

普餘食賜衆生

受布施祝願法

歸身歸神歸命

太上三尊今是布施當願齋主慶及一切禍滅九陰福生十方德如山海莫不興昌七祖生天子孫賢忠當貴巍巍所欲皆從學道昇仙駕雲乘龍齋主其歸心道法能減損財寶餘物施為功德當願施一之財無量之報功多報重恒與善會世世因緣豐樂不絕見在大小常無疾病終保高壽世生賢才智慧明徹三界保敬真神衛侍五方正神擁護門戶常居安全邪魔束形鬼精滅爽宅舍安穩災異不起受福無極遂得昇度分形變化一切預是有情導以法文皆得與道合同

解齋餘食乞衆生祝法

今日是何日齋戒向太上服食天行厨役使今月將光等昇雨仙齋主福無量燒香奏至誠功德普盡暢吾今所說四方願祝大法若能精心修持得福無量戒慎之焉
太上洞玄靈寶四方大願經

太上洞玄靈寶智慧本願大戒上品經 字

太極仙公請問太極法師

仙公於天台山靜齋念道稽首禮拜請問靈寶玄師太極太極真人曰弟子有幸得侍對天尊自以微言彌綸萬劫洞觀道源過泰之歡莫有論也願玄少好神仙白日飛騰之道心想上聖恒以髮髯大經微遠妙蹟難通將稟口訣釋我冥津洞暢虛漠有無都盡矣近而未究人生宿世因緣本行之由今願天尊覺所未悟是時太上高玄真人嘯詠步虛洞章歡然容豫耀金顏而含笑言曰此子累劫念道致太極玉名寄慧人中將獨步玉京超逸三界巍巍乎太上仙公之任矣故慈心於天人念度於後學也常以外身而濟物有德而弗名玄都所銓諒不虛矣而謂太極真人曰卿受太上虛皇道君之命為其師保亦必盡教以高上大洞之淵積也豈俟彼多陳乎吾受任忝為都教之法師至於執卷由于矣太極真人答曰此童真之人名刊金簡才質清遠景秀太上玄微洞虛故當為仙公之

任弘道大度者也吾忝受教化故不足為彼宗匠太上有命何敢不傾軀哉衆妙之統仰賴於法師矣

太極真人曰夫道无也彌綸無窮子欲尋之近在栽身乃復有也固有以入无積念以得妙萬物芸芸譬於幻耳皆當歸空人身亦然身死神逝論之如屋屋壞則人不立身敗則神弗居當制念以定志靜身以安神實然以存精思慮兼忘冥相內視則身神並一身神並一近為真身也此實由宿世本行積念累感功濟一切德廢萬物因緣輪轉罪福相對生死相滅貴賤相使賢愚相傾貧富相欺善惡相顯其苦無量皆人行願所得也非道非天非地非人非萬物所為矣正由心耳此對既鍾亦難脫也弱喪之徒信道者少宿命者多不積善定念修德其身而欲忽德忘身墮求外物其可得哉既已不克莫不傷身矣故有道之士取諸我身無求乎人經云修之身其德乃真斯之謂也夫學道不受大智慧道行本願上品大戒無緣上仙也子有宿命是

以見此經其文隱秘立信效心然後而傳不可妄示不信既其不信必發異念異念既生彼此獲罪是故藏之於無待有應為仙王者乃告焉是時雲龍踊躍諸天散華飛香奏煙山海靜波觸類竄鬼鬼消亡神魔降伏五苦咸解長離地獄惡者反善信順受福爾乃命太極侍經仙人劉文靜披雲韞而授經也

智慧本願大成上品

太極真人曰宿世禮奉經師口誦身行布施厄因願樂三寶君親忠孝遠慕山水栖憩賢儒虛心有道燒香散華護度一切修德補過信願宿命靜思忍情其行也上可昇仙度世下可輪轉富貴生為人尊容貌偉秀才智清遠為入之道莫不具足夫居世富貴笑於貧賤今報以貧賤居世好殺今報以天傷居世絕秀笑於醜陋今報以醜陋居世聰明不教於人今報以頑塞居世常康笑於困病今報以滯疾居世不信道笑於經教今報以下愚長與道隔居世奪人夫婿今報以少寡居世誘人婦女今報以鯨獨居世發心為夫妻而

後不得俱生人道死為下鬼或報以本念成於邪病也自非大法莫有解其宿纏而消此邪病矣夫為父母兄弟姊妹夫妻君臣師保朋友皆前世所念願為因緣展轉相生也莫不有對者哉故曰倚伏難窮矣唯學仙道士當兼志因緣絕滅生死同歸乎玄以入妙門能如是者始可與言學道之夫也

若見居家妻子當願一切早出愛獄攝意奉戒若見飲酒當願一切制於命門以遠禍亂若見來女當願一切守清忍志慕在賢貞若見媼人當願一切除素邪念翹心禁戒若見婦人當願一切忍割浮華樂道自娛若見貞人當願一切履信正化日入法門若見眾人當願一切推仁無爭懷道安世若見善人當願一切時刻存念仰軌其道若見惡人當願一切弃凶即吉不犯王法若見貧人當願一切損身施惠後受大福若見富人當願一切救濟萬物世受祿若見貴人當願一切承其教旨悉令典訓若見賤人當願一切勤修匪懈各得所為若見帝王當願一切奉仰王

道孝如父母若見宰相當願一切受其教制四方歸仁若見兵甲當願一切各念仁心天下讓賢若見王子當願一切日歌太平係國承家若見賢人當願一切履行其德道為世宗若見法師當願一切明解法度得道無為

若見栖山道士當願一切悉見法門速得昇仙若見教化當願一切親受聖教皆為淵博若見聖人當願一切尊禮侍見諸國並瞻若見仙人當願一切真道悉成飛昇天堂若見城郭當願一切嚴整修飾以道為基若見大國當願一切歸崇慕德若水注海若見小國當願一切知止虛冲安其所居若見市朝當願一切羣賢雲萃悉弘正道若見靜觀當願一切功德巍巍天人得志若見齋戒行香當願一切道德日新庠序雅正若見誦經當願一切盡入法門咸聞妙旨若見經教當願一切各受讀禮習普行教化若見樓觀當願一切洞觀十方無所隱藏若見高山當願一切立德如彼無復退轉若見大海當願一切智思無量輔成家國若見栖憩茂林當願一

切安居自在廢底含識若見好學當願一切
得成師宗養徒敷教若見淨手當願一切常
執經書無時輟轍若見善口當願一切耽詠
洞經日新不厭若見動足當願一切超步三
界飛行上清若見靜止當願一切滅景停真

安閑空寂若見飲食當願一切棄累入淨存
得道味若見大藏當願一切除其災害施為
福田若見疾病當願一切以道自安免此苦
厄若見死喪當願一切學道常存濟度三塗
若見蚊蠅當願一切不為始終免無間罪若

見夷狄當願一切得生中國不生邊境若見
少年當願一切及時學問遂成學名若見老
病當願一切以道攝生不更衰老若見三光
當願一切普明靈曜闔冥即消若見雲雨當
願一切惠澤盈溢無所不宜若見素雲當願

一切常居潔白逍遙自在若見靈風當願一
切韞懷披散德流遐邇若見淨水當願一切
洗垢清虛平等其心若見名香當願一切受
茲芳澤衆穢蕭然若見好華當願一切樂敬
諸聖相好具足若見車馬當願一切得道無

為乘鳳駕龍若見絃歌當願一切說經敷法
以道娛樂若見福食當願一切無不飽滿世
享天厨德流生人如水歸海宗廟胤長常居
貴盛世與四輩俱生王家若見散施當願一
切禍滅九陰福起十方德如山海莫不興隆

七祖生天子孫賢忠富貴魏魏所欲皆從學
道飛仙駕雲乘龍道士坐卧常願我等四大
合德同體道真長存玄都師友自然濟度十
方天下受恩道遠無為洞觀妙門

禮經祝三首
宜人口訣云持經仙童玉女聞此祝皆歡悅而佑其身也夫大經者用此祝而禮拜矣若真心禮經者亦心祝其文乃上仙之秘祝也
樂法以為妻 愛經如珠玉 持戒制六情
念道遺所欲 淡泊正氣停 蕭然神靜默
天魔並敬護 世世受大福

鬱鬱家園盛 濟濟經道興 天人同其願
縹緲入大乘 因心立福田 靡靡法輪昇
七祖生天堂 我身白日騰
大道洞玄虛 有念無不契 鍊質入仙真
遂成金剛體 超度三界難 地獄五苦解

悉歸太上經 靜念稽首禮
此戒名智慧隱經道行本願上戒寶真品太
上虛皇傳太上大道君道君傳太微帝君帝
君傳九微太真太真傳太極大法師及傳太
極高仙王公不告諸中仙矣千年三傳若無

太上金簡仙名者亦終不與此經戒相遇也
道士運會脫有得之當秘而奉焉太上仙童
十人隨侍視戒管護弟子之身時有賢儒信
道男女兆不得閉絕於聖文矣若本命甲子
庚申八節日齋而誦一編也

太極真人曰學身仙之道當立千二百善功
終不受報立功三千日登天皆濟人應死
之難也施惠其人尤善矣學道當令衆行合
法廣建福田發大慈之心動靜常起道意能
如是也吐納服藥佩符讀經精思終身不倦

者豈有不得仙乎人無此德服藥佩符讀經
齋戒故終命而不驗矣學士明恩要言
太極真人曰立三百善功可得長存地仙若
一功不全則更從一始而都失前功矣常有
其念在於心者則是也子導人作善即為

善功矣

太極真人曰常念嘯詠經行大慈先人後身揚善化惡斷絕眾緣滅念守虛心如大玄唯道是求始謂能言神仙之道也

太極真人曰吾昔受太極智慧十善勸助功

德戒於高上大道虛皇世世宗奉修行大法度人甚易此自然之福田也太上以普教天人今各得本願始入法門長存無為不更十苦八難罪對罷散地獄林息三官寧閑世世榮樂成脫羅網後生安泰天性恬然所願隨行其戒如上以傳賢信

十善勸戒曰勸助禮敬三寶供養法師令人世為君子賢孝高才榮貴魏魏生為人專門族昌熾

三寶者謂道經師也能養生教善行為人此是名法師也

戒曰勸助治寫經書令人世世聰明博聞妙贖恒值聖世見諸經教能誦章句

戒曰勸助建齋靜治令人世世門戶高貴身登天堂飲食自然常居無為

戒曰勸助香油以濟眾乏令人世世芳感香

潔光明容眸絕偉天姿高秀

戒曰勸助法師法服令人世世長雅道遠中國不墮邊夷男女端正冠冕玉珮

戒曰勸助國王父母子民忠孝令人世世多嗣男女賢儒不更諸苦

戒曰勸助齋靜讀經令人世世不墮地獄即昇天堂禮見眾聖速得反形化生王家在意所欲玩好備足七祖同歡善緣悉備終始榮樂法輪運至將得仙道

戒曰勸助眾人經學令人世世才智洞達動靜威儀常為人師

戒曰勸助一切布施諫諍令人世世壽考富樂常無怨惱

戒曰勸助一切民人除嫉去欲履行眾善令人世世安樂禍亂不生病者自愈仕宦高遷

為眾所仰莫不吉祐門戶清貴天人愛育神魔敬護常生福地

此戒名太上智慧勸進要戒上品皆大智慧經上卷所言也法傳太極真人及治道行疾兆有宿福值見此文秘而奉焉莫示不信禍

及見世死為下鬼閉於地獄旋轉五苦後生夫人道毀經戒者亦然

太極真人曰人行之惡莫大於嫉殺貪奢驕淫也若此一在心必伐爾年命矣挾之以學神仙者不亦悲乎

太極真人曰道德五千文經之大也是道也故通乎天地人萬物從之以終始也上士受誦為太上仙王中士受誦為飛仙下士受誦生轉輪聖王家不經地獄常生福國命過之時天帝雲車迎其魂神安處福堂也此度人無數量不可具言也昔有婦人受誦是經夫恒愠怒之終亦不退婦遂白日昇天夫死入地獄受考歷歲婦飛行看之令讀道德經今當見救時天人飛下太山府君即呼問之其具答常為婦人所教禮於是經婦人昇仙我

故緣昔恩求救耳府君曰子本雖不學要常禮大道敬信經法今可送著福堂給其厨食千年汝當生人中可受誦是經男人曰我若得生人道必宗受是經以求度世却千年生人中年十三歲始好五千文從師受誦口

訣高才聰明國王禮聘不就乃白日昇仙其先敬經賢妻相度緣此宿恩也

昔有賢明道士齋於靜室不能得中食時俗姓男女敬樂大法感此道士忍饑而誦經日為設中食時往聽經道士哀其敬信以傳

男子女人教以口訣各誦之萬遍太上龍舉下迎白日昇天此例甚多非可悉記也凡人雖不能學仙道皆得受五千文禮敬以致無

為之道在世保延性命家門安樂死後生天堂不更三官地獄囚徒中也其訣在信好則

此大福可坐得矣大洞真經太上洞玄隱書寶經不可傳凡人也皆必是能學仙之士所當修誦焉若輕傳於凡夫者將與七祖父母

同幽於地獄更五毒之考矣慎之慎之太極真人曰世人之惑也而遠其先人並競

事鬼神及殺生以求生去生不亦遠哉生時不修善治身忍割可欲死方殯葬其骸骨不

知魂魄已更五毒幽囚地獄苦惱三塗輪轉五道也生世無幾而聚斂財寶無有足時為已重擔福盡罪重身死名滅財寶四散也若

疾風之扇塵矣道士持齋燒香清淨讀經天下之盛事也而不欲見見之如不見矣聞巫師鬼語皆傾產厚禮奉之也持齋靜漠而致

福巫師歌舞而招禍禍之及也彼我魂神俱致考罰殃對無已往返三惡之道其苦難脫罪竟後生或墮六畜失於人道設使還入中

當為下賤矣或六根不具或形質醜陋體惡臭穢唯男唯女頑癡可惡為眾所棄流弊世間至死饑寒其人也皆受先世罪對而從六

畜中來始還入道故也若於今世忍苦甘貧悔往修來趣求奉法以自解脫者亦見世漸

報來生將受大福當生富貴侯王之相好具足容貌端偉光華灼爍眾見心歡慈仁信

好高才宏畧欲男欲女在我本願也念尋善友為因緣知識自當冥會皆來為兄弟子孫

所以世世賢孝展轉相生乃無絕矣故曰倚伏因緣孰知其極也又云子孫以祭祀不輟此之謂也

太極真人曰玄素之道也古人修之延年益命以致長生矣今人為之消年損命以招早

死矣可復怨術邪罪自己也不亦悲哉太極真人曰夫學道之人也先孝於所親忠於所君愍於所使信於所友言而可復諫惡

揚善無彼無此吾我之私不違外教能事人道也次絕酒聲色嫉妬殺害奢貪驕怠也次

斷五辛肥生滋味之肴也次今想兼冥心親清虛也次服食休粮奉持大戒堅質勤志

導引胎息吐納和液修建功德忍人不能忍行人不能行居人不能居衣人不能衣食人不能食守人不能守也道行如此乃可鎮以

靈藥餐於雲芽尸蟲沉落穢漏消滅三官滌盪五臟安閑矣將長齋久思靜誦洞經耽味眾妙兼以丹液也能如是者豈有不得昇仙之道乎

天尊告太極真人曰若其不修人道君親不忠耽酒好色殺伐貪殘驕奢自恣欺誘賢良

借貸不還少已有如此之行矣長不能革使心夷然而欲懷之以齋戒學道希肉骨之舉

弗亦哀乎弗亦哀乎斯人也將長處地獄履於五毒刀山劍樹湯火炎燎煮瀆五體求死

不得饑則食鐵渴則飲火出臨寒冰傷肌切骨方付三官謫役山海擔負土石鞭笞考對備經三徒五道往返十苦八難之中其苦無量不可具言也

太極真人曰是人也乃不如外學凡人奉修

仁義敬信道德唯善而從任化來往在時遷易道遠域內清淨自適命過亦入福舍不經因徒或為鬼神也後生人道不失本願轉得信根賢聖結緣緣累日盡終入仙道

太極真人曰患人得生人道也而不修德養

性以全於命矣患聞經也而不信矣患信經也貪財而不受矣患受經也而不講誦矣患講誦也而不修其事矣患修其事也而不恒其道矣患奉師也而不終其身矣患服藥也而未應中忘矣患道行不備也而誇求昇騰

矣患靜齋讀經也處幽山而不堪其憂矣此十患在人之身也若不戒之身無濟理所以云有大患者為我有身斯之謂矣可不思與可不思與太極真人傳經說法演戒竟歌三徒五道苦痛歎其辭曰

三才及萬物 倚伏各有齡 終始待劫數 福盡天地傾 往返於五道 苦哉更死生 展轉三徒中 去來與禍并 大賢慎茲戒 忍性念割情 愚夫不信法 罪痛常自嬰 吾念世無已 今故重告明

若欲度斯患 歸命太上經 大賢故閉口 罪福不由他 諒自發爾身 倚伏待長流 欲絕諸惡緣 滅念歸兼忘 終當見正真 弘道以安世 終身之至患 含養如此輩

恐必致天殘 知惡而不革 豈是道所安 懷毒日齋直 今我發長歎 皆欲眼前見 宿命有信然 弱喪謂之無 慘感愍頑夫 過目則言愆 大賢明道教 依依念于苦 勤勤令我憂

人命已消盡 亦猶膏中火 四大暨相遇 五物權時假 感年當勤學 趣求存吾我 福盡身神散 冥冥地獄下 上聖畏是故 尋道度斯禍 學仙行為急 奉戒制情心 虛衷正氣居

仙聖自相尋 若不信法言 胡為栖山林 大賢樂經戒 受之為身寶 就學恒苦晚 治身恨不早 比當披幽曠 倏忽年已老 執卷吸兩極 將更死痛惱 吾故及弱齡 棄世以學道

太極真人曰吾昔學道時受之於太上虛皇 奉而修之遂成真入矣道士若欲受吾大戒 品文師先讀一過以示其心也其必是學仙 之士者當齋信詣師門及對齋三日念道思 戒然後傳矣此戒至重各各有威神部護其 人慎哉慎哉

仙公曰此大戒施於學仙道士也好尋世間 非常萬物皆當歸空盡是法可緣之度三徒 之苦以得道也遇之者子宿願也受宜從之 勿不勤修仙公以元正之日受戒而作頌曰 幽名山以靜漢兮崎峻石之岑岑素雪翳乎 前庭兮勁風肅於東林對天尊之容與兮耽 冥曠而散衿愍世人之墮罪兮悲念之不去 心背經戒以信邪鬼兮棄齋靜而美酒音輪 五道與三徒兮經地獄之幽沉斯苦痛之可

1 (00) A 4 7-3

言兮更死生而難任唯道德之濟物兮更豈待困而不尋

仙公告弟子鄭思遠曰吾少遊諸名山履於嶮嶮在禽獸之左右辛苦備至忍情遺念損口惠施後身成人懷道安世恒修慈愛念道

存真無時敢替也齋直一年而未竟其冬至之日天真降見授大經上仙之道天真令我大齋長靜按經施誦次而學之遂成真人

矣吾昔所受經道太上所貴也非中仙之所學矣歷劫以來常傳上八仙公仙王仙卿不

但我也吾先世與子同發此願施行善功勤積不怠致玄都有仙名今相為師友是以相授耳吾去世也將有樂道慈心居士來生吾

門者子當以今道業事事一通付之法應世世錄傳也皆是我前世與彼有宿恩因緣使

然也子以一通依科傳付弟子佳者也若無其人一通封付五嶽名山矣此太極真人口訣子秘之慎之慎之時思之

太上洞玄靈寶智慧本願大戒上品經

太上洞玄靈寶誠業本行上品妙經

道言昔我於洞明丹陵天中玉臺受元一金

眞法輪誠業本行因緣上品與我無上高上洞明大法王之號常鎮玉清高上大園都開

飛天法輪上本誠業之功開度萬有生之場天人罪福諸源運載三乘登步上清十轉

眞人光明幽夜弘廣十方迴十惡之根使從十善而行咸得徑生無量天園天堂有能從

者克獲道眞道言我常隨運降下十方飛天元生大福堂洞明寶庭開是法輪十善法門咸使十惡從

法而遷從是法輪轉昇上天悉得妙通廣明本行宿業因緣吾觀天地希有其人自非上

德何能奉焉道言誠業至行惟上德弘遠金眞本行長存之源善當正念字八無敢言斷諸惑亂諸天朝

斷矣貪狠者自傷貪味者吞毒斯酷之本善當速之手

道言元一天尊當說是誠業本行之時天尊以手指點十方虛空之中命召十方飛天帝

王至眞皇人飛天無極神王妙行眞人高上玉皇無極大聖尊神三十六天上帝諸天至

眞九宮眞人五老上眞天真地仙無極世界神仙玉女無量大聖衆三界靈官三元正真

執法官屬無鞅之衆一時同駕乘空而來上諸玉都天光四朗紫蓋迴天威靈濟濟流徽

十方敷明諸天燒香散華飛玄步虛三市復位稽首朝眞同登金眞法輪諸場仰觀法音

莫不歡悅咸同稱善道言無上金眞誠業普隆萬國誠行之本萬無其人天理妙旨上眞行焉但十方天人空

天尊告諸大聖衆曰吾開金真法輪運化諸因有諸難得惟形是難夫至德身亦為一國之域利用招禍心之能造故通制包藏之境由善惡之門惟有至人知覺得道無為若能從之諦受勿忘

天尊告諸大聖衆曰元氣輕微運導不淳本業易造動至亡身五心所起十惡生焉長淪毒刃莫能覺乎自受痛哉吾為十方天人轉度生死之源十善備立悟其來生一切因緣伏承誠業即得道真

天尊告道君曰吾開法輪上品金真誠業十善正本萬行之門爾若從之咸當伏聽於是道君稽手作禮伏受誠文

誠曰一品正觀衆妙本皆得神通業二品正聽玄妙音神通知十方三品正知香光入神通靈氣存四品正音開妙門神通利益無量果五品正存法誠行神通道真降六品正念衆生苦神通光明報七品正想無二感神通正道界八品正行大慈業神通無上真九品正定形影不動衆行神通妙覺十品正具形

神剛明執正神通玄妙
天尊言金真上品十正神通誠業萬行之首執正十方無量通微之本吾開法輪故演其文以度劫災生死諸滯感使從茲而轉登乎長存道真成就終身不見十惡之門

天尊言金真本行十品上善之功一品斷五色貪利緣正見不邪視二品斷五音六塵之聲內外無邪聽之聞三品斷六觸之因邪氣不入四品斷虛談假論邪言綺語不前五品斷眾禍之害眾邪不侵六品斷想五陰邪惡不干七品斷行非造作邪災不生八品斷諸惑亂眾邪不犯於物九品斷無端之行邪疾自消十品斷十惡之業常當心取法輪萬魔邪神自却無敢當矣

天尊告道君曰此是無上金真本行上品澄真自鍊空寂通稱上業能如是者金真可期矣吾觀天人萬無其一自非至人莫能從焉天尊言金真觀行十品常能如是者萬善備立一品見五色不貪者淫風不行二品聞五音不聽者魔風自除三品聞眾氣馨香不樂

者六府不傷邪風自退四品見五味不貪甘進者眾塵不汙身五品聞眾樂不觀者即外塵惡風不驚六品守一無諸假想者終身不染邪氣不生七品舉動乘誠本行者諸塵自消形色光淨八品見寶貨非橫不取者萬善

來臻終身安存九品和性無嫉無妬見事不觸者萬福降真靈覆禮馬十品安身閑想慈念一切宿命者十方護身高上奏功克獲上真

天尊告道君曰吾開金真上品法輪誠業本行之由十方天人若能如是者即與十聖齊功得入長存法界得道自然者也終身光明億劫同慶福流萬代常與法輪不絕矣

天尊言吾開法輪十聖之場一品轉通立能心知一方中輕重事位次別覺聖二品轉通得知世界有無吉凶事位次得覺聖三品轉通能達知罪福一切宿命來往生處果報由趣位次正覺聖四品轉通能以心往見衆生心逆順未然禍福陰中事位次通覺聖五品轉通普知十方無極世界一切緣運由趣休

否事位次大覺聖六品轉通玄觀知悉達
十方界域衆聖處所只如指掌分形散影虛
空無礙位次妙覺聖七品轉通普知天地運
趣機數有無速近悉無障礙位次洞覺聖八
品轉通身居忘形如日中景一切觀微位

次觀覺聖九品轉通普能開明放身中寶光
普照十方一切普見上下無不洞達位次普
明大覺聖十品轉通普觀普察普明普照無
幽無冥洞知天地光顯十方湛然長存位次
洞明大覺至真大聖者也斯行之業皆從法
輪而轉入十通大聖其德高妙自非法輪之
功莫能轉焉十聖果緣乃從無量恒沙劫來
施功布德備滿天地弘廣十方致得轉位入
十聖之功妙通上品夫十方天人能如是者
道真成焉

天尊即勅无上高上洞明大法王曰可誦无
上金真法輪誠業本行妙通轉位玉章无上
高上洞明大法王即起作禮朝真左迴三匝
誦法輪誠業玉章頌曰
湛寂法誠功 觀行極大乘 金真衆妙好

正位諸天朝 法輪无上德 皆轉无上真
神通六度外 飛天多福人 開度大梵仙
十品悉成真 巍巍自然道 逍遙大光天
念得恒沙劫 歷觀一切緣 自无上品業
何由拔苦根

法輪本行上品玉章頌曰
道觀十本源 朗朗凝成真 斷去十惡場
品行入法輪 內外香光起 修忽登金真
一昇雲明宮 威光煥諸天 皆從本行起
稽首朝天尊

法輪觀行玉章頌曰
仰觀金真行 絕景無諸塵 形姿七寶相
雲明照諸天 飄飄大乘境 飛天轉法輪
萬福同一慶 轉度十若人 身登玉池上
沐浴鍊成仙 十方無孤魂 普開恒沙恩

妙通至真德 束首天寶前
法輪轉通十聖洞明玉章頌曰
无上開妙化 運功皆齊長 法輪十位場
大羅諸法門 通稱大光品 十聖並高真
妙德轉十通 湛然十飛天 安和樂未央

普明昔往緣 命合長存壽 洞覺應自然
眇眇難爲雙 六時朝天尊

天尊告道君曰是四篇玉章此乃是无上金
真誠業之首法輪轉通妙覺本行之源其文
封在无上玉都流明宮中金真元君保賞金

靈童子八千四百真常誦其章聲響十方嘯
朗諸天羣真又手稱善至真朝馬高上即開
法輪上品轉度十方諸得道大聖衆以登无
上金真者矣夫是天人有知其章受持修齊
執誠禮誦靈文者靈音即上徹十方九天稱

慶高上讚嘆即開法輪之品轉度其人得登
无上至真諸場其造高妙自非大光開運十
方莫能闕焉
天尊言吾開法輪十善諸場一品慈孝順物
萬行同心二品愛念一切衆生皆如我身三

品信向經誠罪福所由之源四品能捨寶貨
布施天下無量諸人窮厄者五品能廣建功
德營建道場福因萬代六品能守善而死忍
辱不殺不盜七品能救濟一切厄急無量衆
生性命捨放無窮皆得存其本命八品能供

養三寶晨夕禮誦戒持齋恒無怠倦九品常能開化天人愛念國主享祚長存恒以財物潤益貧窮孤老無量若人常無貪惜十品行常使然不進不退一心行善夫天人能如是者即可謂十善之功萬行同慶之本也此皆是十方飛天無極至真皇人无上誠業本行之源天人能從之者即以十方飛天無極至真齊功矣

无上飛天法輪轉十善妙通玉章頌曰

流明大範品 開道無量功 轉度十善行
梵景飛天堂 逍遙七寶宮 仰觀法輪王
靈顏絕妙好 常降十道場 齊駕三寶乘
運載諸天人 倏忽雲光發 衆相並金容
皆從斯福起 受位高上真 遊憩天寶臺
慶此劫數迴 三市朝道主 稽首禮天尊
天尊告道君曰是玉章一篇乃是十方无上金光童子各十真鎮於飛天法輪天寶宮中保賞靈文常隨法輪十善品轉法輪誦其章以度十方諸天持行無量善人策駕三乘寶乘嘯誦其音羣真讚和震響十方諸天設禮

莫不恭心開津三界三真奉迎香華伎樂營衛善人直登法輪諸場矣

天尊告道君曰吾開法輪十善上品咸使十方諸天人皆去十惡諸場其有如是行十惡者爾莫從之行其中唱言快樂者爾宜避之言其欲來害者爾但當一心念誠業存真而受之殺其理自不能有害我身此即轉成无上至真者乎其人自當殺報也其有賢聖出者爾當尋之一觀神顏萬劫常得其力矣夫理甚微故以上天十福堂以對下十惡場者也

天尊言法輪開度十惡諸場一品不行慈孝之道尊卑上下失禮恒無和順之心相向二品不行愛念衆生常懷凶勃三品不行信向心快情所為作諸惡業反逆君王四品不行

愛善不捨不痴心常破傷他物自言得快無諸慈悲五品不行建功德心惟建非禍事為樂六品行不能忍辱心常欺妄於他為端無信七品不行救濟危急心常懷執著性常願人墮惡道八品不行恭敬經誠心常謗毀天

真以入邪論害生祭祀九品不行利益心常以財利割剔貧窮孤老自貪潤己身十品身行常殺害無量衆生淫欲無度萬惡備立進退疑惑行常使然者可謂十惡矣斯行皆非天非地止由於心夫上德至人唯以十善為

功常以己心為十方飛天福堂逕往法輪為因緣執持誠業尋本行微取果報上真之德是以不經十苦不入八難不見煩惱不履三塗也夫下士諸人唯以己心常為執殺之官逕尋地獄循環諸報背十善向十惡行十苦自以身投八難往取煩惱之根形履三塗之門日有沉淪億劫長罹塗炭去福速矣吾開法輪普度諸人矣
无上飛天法輪轉十惡入妙通上品玉章頌曰

鬱秀圭清 太无自然 陰影十方 開津法輪
拔度八難 轉諸福天 流景冠帶 解滯胞根
積尸受鍊 滅惡通真 玉皇命召 十善並原
諸天稱慶 五老侍晨 帝君執符 齊送道前
飛天大圓 無量度人 劫劫承化 運載三乘

法玉品位 无上至真 三元除惡 九夜光明
束身天寶 形登長存 妙德高上 洞明金真
天尊告道君曰是玉童鎮於飛天法輪右宮
十方玉童玉女各十真保賞靈文常隨法輪
上品轉十惡諸場遷度天人生死苦魂咸使

劫劫運化常與法輪有緣天人知其章修
齊行香禮誦者法王降真道成不久矣

天尊告道君曰吾開法輪以轉十惡諸場上
品之福其功無量靜心絕想此為上德聞樂
不聞浮華美色此是十惡之根形非長有財

不長存道真无上故開法輪世界有欲尋真
棄俗因緣保固元氣凝素自然魔來忤者慎
口勿言生惡起惑終入法輪障道者苦後身
如然

天尊言法輪開度十苦諸場一品履刀山苦
二品上劍樹苦三品入鑊湯苦四品抱銅柱
苦五品卧鐵牀苦六品大車載入寒池苦七
品拘頭拔舌苦八品吞火食炭苦九品三官
鎖械徒役金槌鐵杖拷掠苦十品生身受鎖
械煩惱形殺苦如是十方有斯十苦皆由先

身集因所得吾觀諸苦塗炭難言故開法輪
普度諸天十方歡樂原救之馬六道光明法
橋路通一切同慶道真降矣

无上飛天法輪轉度十苦品玉童頌曰
歷觀十方 無量罪根 流曳十苦 焦體爛壞

大小相牽 彌劫塗炭 毒刀傷身 沉沒九夜
望反甚難 方思十善 念是因緣 櫻承痛切

風刃往還 吞陰食毒 魂神無開 仰視无上
飛天法輪 開度上品 轉諸昇遷 策身玉庭
妙通十天 無極世界 洞識諸緣 修行誠業

稽首道前

天尊告道君曰是玉童鎮於飛天法輪中宮
十方丹靈童子各十真保賞靈文常隨法輪
上品轉度十苦諸場開度天人生死咸得法
緣天人有誦其章上聞九天法王命真來度
之焉

天尊告道君曰吾開法輪以轉八難諸場上
品之功無量法門夫人心淨十善降馬生貪
業惡初心不淨彼有懷惡爾當善之三元執
法近在身中陰私皆結以上奏諸天考官速

至坐微疾傷試行上本善當從之無聞倒見
故知無緣正具形神晨夕恭心道真下降度
爾福天

天尊言法輪開度八難諸場一品受身出邊
夷難二品受身為奴婢下使難三品受身出

為貧窮孤陋人難四品受身六疾人難五品
受身愚癡六根不具足難六品受身鎖械煩

惱徒役難七品受身出不孝不慈生亡難八
品受身出於無道國中難者也夫是八難者
皆由先身集行所得從十苦中出方生八難

中但上德至人常以十善以擬將來往生十
方無量福堂也夫無明倒見者恒以十惡為
本故生亡十善一生一死德劫苦惱恒出八
難受報吾開法輪以度斯人矣

无上飛天法輪轉八難上品玉童頌曰
仰觀八門 輪轉罪田 受諸苦惱 形魂不開

先無誠業 終身八難 無量罪門 一生一死
十惡往還 於是冥冥 受諸沉淪 飛天大赦
普轉法輪 高上八觀 洞開玉城 七寶宮臺
乘運相迎 雲明煥照 十方大庭 金容絕妙

雙光自生 榮龍駕鳳 遊憩玉京 寶林羅列
身中光明 三羅自解 八難齊并

天尊告道君曰是玉童鎮於飛天法輪右玄
臺上十方靈光玉童王女各十真保賞靈文
常隨法輪上品誦其章轉度八難諸場以暢

天人生死之魂咸得光明普見法緣夫天人
有知其章拔度存亡滯苦齋而誦之者諸天
降下即度兆生死命籍遷上長存之福堂矣

天尊告道君曰吾開法輪以轉三惡道之場
上品之福無量羣生悉令得轉度十方福堂
運化生天斯惡深重皆由先身害生萬物無

量衆生之命致生彼道以報昔緣一生一死
業對所因今轉諸身普入善根自覺往生一
切因緣生死兼惠莫不歡焉

天尊言法輪開度三惡道諸場一品地獄幽
閉塗炭二品餓鬼自相食噉煩惱之苦三品
畜生同類怨對相擊之毒夫如斯等衆生若
反化即生三惡中一品生蟲中二品生鳥中
三品生獸中者矣先身行業元逆之本其罪
負重致招斯惡彌劫聚集應得是報吾開上

品無量法輪普拔斯惡以還福門

无上飛天法輪轉三惡道上品玉童頌曰
歷觀十方中 無極世界人 豪貴不畏罪
快意害衆生 與伐逆國主 不顧後身搜
罪滿九河內 形履刀山庭 舉手循劍樹

流血落如星 坐待鑊湯煮 鐵錐刺身形
迴身入餓鬼 只聞悲哭聲 仰頭看鐵網
足立流火庭 六畜相割剔 以報昔往生

但元十福天 乘景負圓明 逍遙三界外
方念三寶經 法王萬善行 普開無量功
轉度三惡道 受鍊十天仙 身生五色光

妙覺諸惡緣 一起三便去 闍居十飛天
天尊告道君曰是玉童鎮於飛天法輪上品
玉童中十方法法輪玉童王女各十真保賞靈
文常隨高上上品法輪誦其章轉度三惡苦

道諸場以鍊滯尸苦骸咸得光鮮普登十天
福室天人有其章命過之日齋而誦之魂
爽即不過三惡運昇十方品入法輪者也
天尊告道君曰吾開法輪以轉十邪不正道
諸場上品之行夫衆生貪欲萬端無厭白以

身命投於十惡纏散苦想自役罪狀爨滿天
地形名作道非法妄生淫佚邪氣生無善教
死必有重考億劫委身屠割生死往還長處
盲造終身邪言疾病攪苦終歸八門吾開法
門普轉還入道真

天尊言法輪開度十邪惡道諸場一品背正
入咒道終身生邪魅求嬰諸疾苦受報無窮
期二品輕毀道法將入邪徑信順邪言謗道
欺師三品不信道真捨身入鬼魅四品無明

倒見衆生常懷五濁執結魔魅自稱聖名以
亂正道五品常生殺害淫祀鬼魅詐稱神具
貪味甘美種種無端六品因人休否假稱正

神責望天人受取無厭噉食無度七品魔魅
衆生遊行世界或作邪譎鬼語自稱道神伺
人表厄妄言占相八品衆生觸法邪見一心

背真入偽承事鬼神形像師巫之徒九品淫
亂宗親生邪苦想行不正法十品棄正法往
入魔徑邪道噴噉欺誘天人自稱賢聖放蕩
非法陰私逆順為人咒誓壓禱國王指天畫
地殺害衆生真偽無別以稱天真夫如斯者